



Svar på hastetiltak for bærekraftig turisme sommeren 2020

Osterøy kommune er etterkvart blitt eit lokalt og regionalt turistmål, spesielt knytt til turopplevingar i fjellet. Vi har fått nye utfordringar knytt til smittevernreglar knytt til korona, noko som har ført til at Statens Vegvesen har stengt toalett på Kvisti og Bergen og Omegn Friluftsråd (BOF) har stengt toaletta i friluftsområda.

Osterøy kommune er no i dialog med reiselivslaget og BOF for å finne løysingar på desse problema. Det no mellom anna satt opp mobilt toalett på Båtaleitet som reiselivslaget har ansvar for (i fht smittevernreglar). Vi arbeidar for at toaletta som BOF driftar skal være opne. Elles vil det bli etablert tømmeasjon for bubilar på Oddalsmyra ved bensistasjonen som er under bygging. Den vil diverre ikkje være klar før til hausten.

Osterøy kommune har laga eit friluftskart med oppmerka stiar som både dei som vitjar kommunen og innbygarane kan ha stor glede av. Der fins både enkle og meir krevjande rutar.

Det arbeidast og med å få på plass camping knytt til areala til Norlender. Mjøsvågen Landhandel arbeidar med å få utvida flytebrygga for å ta imot fleire turister på båt.

Osterøy kommune har i samarbeid med Bruvik grendalag samarbeidd om utbetring av parkeringsplassen på Båtaleite, slik at plassen kan utnyttast meir effektivt.

Kommunen har etablert eit samarbeid med Røde Kors knytt til korona, og i samband med dette kan vi diskutere moglegheita for å kartlegge hjelpebehov for utsette barnefamiliar og få sjekke manglar ute i naturen knytt til skilting og merking. Grendelaga er og aktive og vil gjerne bidra. Det er imidlertid ikkje realistisk å få eit slikt arbeid gjort på denne sida av sommaren.

Mtp ferieopplevingar for sårbare barn og unge, har ikkje kommunen har et systematisk samarbeid med frivillige organisasjonar. Ein del frivillige organisasjonar tilbyr ulike ferietilbod, på nasjonalt nivå. Desse blir formidla vidare til aktuelle brukarar, og kan være eit viktig bidrag for gode ferieopplevingar for barn og familiar

Osterøy kommune kan, på Heradsstyret sitt initiativ, vurdere ein «sommervettkampanje» som blir publisert på nett, via plakater og i bygdanytt. Ein slik kampanje kan inkludere kjørereglar som tek i vare dei punkta som det blir uttrykt bekymring for i interpellasjonen. Eksempelvis kan ein oppfordre til gode naboskap med omtanke for dei rundt oss, til å ta i mot ferierande gjestar med lokalkunnskap om gode stadar å telte og vandre, og oppfordre alle til å ta med seg sitt eget søppel heim. Tilsvarande kan ein lage flyers til gjestar utanfrå kommunen, om å ta omsyn til lokalbefolkninga sine råd og rettleiingar, rydde opp etter seg og ta vare på naturen dei besøkjer.

Post

post@osteroy.kommune.no
Dokumentsenteret
5282 Lonevåg

Kontakt

www.osteroy.kommune.no
Telefon 56 19 21 00
Telefaks 56 19 21 01

Konto

Org.nr. 864.338.712